

Na osnovu člana 17. Zakona o Vijeću ministara Bosne i Hercegovine («Službeni glasnik BiH», br. 30/03, 42/03, 81/06, 76/07, 81/07, 94/07 i 24/08) i člana 11. Zakona o finansiranju institucija Bosne i Hercegovine («Službeni glasnik BiH», broj 61/04), Vijeće ministara Bosne i Hercegovine, na 72. sjednici održanoj 31.12. 2008. godine, donijelo je

O D L U K U
o privremenom finansiranju institucija Bosne i Hercegovine
i međunarodnih obaveza Bosne i Hercegovine
za period januar – mart 2009. godine

Član 1.

Ovom odlukom odobrava se privremeno finansiranje institucija Bosne i Hercegovine i međunarodnih obaveza Bosne i Hercegovine za period januar – mart 2009. godine.

Član 2.

Privremeno finansiranje institucija Bosne i Hercegovine i međunarodnih obaveza Bosne i Hercegovine za period iz člana 1. ove odluke utvrđuje se do iznosa od jedne četvrtine (1/4) ukupno utrošenih sredstava Budžeta institucija Bosne i Hercegovine i međunarodnih obaveza Bosne i Hercegovine za 2008. fiskalnu godinu.

Član 3.

- (1) Raspored prihoda po budžetskim korisnicima i vrstama rashoda, izuzimajući kapitalne izdatke (ekonomska kategorija 8213 i 8214), vršit će se razmjerno jednoj četvrtini (1/4) sredstava utrošenih u 2008. fiskalnoj godini.
- (2) Aproprijacije za višegodišnje kapitalne projekte odobravat će se pod uvjetom da su utvrđene u višegodišnjem kapitalnom budžetu za 2008. godinu.
- (3) Provedba ove odluke vršit će se u skladu sa Zakonom o budžetu institucija Bosne i Hercegovine i međunarodnih obaveza Bosne i Hercegovine za 2008. godinu («Službeni glasnik BiH», broj 17/08) i procedurama koje su propisane ovim zakonom.

Član 4.

Izmirenje obaveza na osnovu servisiranja vanjskog duga vršit će se u skladu s planovima otplate usaglašenim s entitetskim ministarstvima finansija.

Član 5.

Ova odluka stupa na snagu danom donošenja, a primjenjivat će se od 1. januara 2009. godine.

Član 6.

Ova odluka objavljuje se u «Službenom glasniku BiH».

VM, broj _____/08
_____ 2008. godine
Sarajevo

PREDSJEDAVAJUĆI
VIJEĆA MINISTARA BIH
dr. Nikola Špirić

Obrazloženje

I- Pravni osnov

Pravni osnov za donošenje Odluke o privremenom financiranju institucija Bosne i Hercegovine i međunarodnih obveza Bosne i Hercegovine za period siječanj – ožujak 2009. godine sadržan je u članku VIII 2. Ustava Bosne i Hercegovine, kojim je propisano da ukoliko se proračun ne usvoji blagovremeno, proračun za prethodnu godinu će biti korišten na privremenoj osnovi i članku 11. Zakona o financiranju institucija Bosne i Hercegovine, koji predviđa da ukoliko se ne donese blagovremeno Zakon o proračunu institucija Bosne i Hercegovine i međunarodnih obveza Bosne i Hercegovine za 2009. godinu, na izvršenje proračuna institucija Bosne i Hercegovine i međunarodnih obveza Bosne i Hercegovine po osnovi privremene odluke o financiranju u 2009. godini primjenjivat će se odgovarajuće odredbe ovog zakona, kao i članka 17. Zakona o Vijeću ministara Bosne i Hercegovine kojim je propisano da Vijeće ministara, između ostalog, donosi i odluke.

II-Razlozi donošenja i obrazloženje

Razlog za donošenje ove odluke je u tome što Proračun institucija Bosne i Hercegovine i međunarodnih obveza Bosne i Hercegovine za 2009. godinu neće biti donesen do kraja godine, te je potrebno osigurati da od 01.01.2009. godine do 31.03.2009. godine postoji kontinuirano financiranje institucija Bosne i Hercegovine.

Pojedina rješenja u Odluci imaju slijedeća značenja:

- u članku 1. Prijedloga odluke predviđa se privremeno financiranje institucija Bosne i Hercegovine i međunarodnih obveza Bosne i Hercegovine za razdoblje I – III naredne godine.
- u članku 2. Prijedloga odluke utvrđeno je privremeno financiranje institucija Bosne i Hercegovine do iznosa ukupno utrošenih sredstava Proračuna institucija BiH i međunarodnih obveza BiH prema tromjesečnom prosjeku za 2008. fiskalnu godinu.
- u članku 3. Prijedloga odluke utvrđuje se raspored prihoda po proračunskim korisnicima i vrstama rashoda, kao i uvjeti odobravanja aroprijacija za višegodišnje kapitalne projekte.
- u članku 4. Prijedloga odluke predviđeno je da će se izmirenje obveza po osnovu servisiranja vanjskog duga vršiti sukladno sa planovima otplate usuglašenim sa entitetskim ministarstvima financija.
- u članku 5. Prijedloga odluke utvrđeno je stupanje na snagu i primjena odluke.
- u članku 6. predviđeno je objavljivanje odluke.